



## दक्षिणकालि नगरपालिका दुध्याके धुंका: किपू नगरपालिकाय् छि गुगु वडाय् लात ?

### दक्षिणकाली नगरपालिकावासीत आन्दोलनय्

ज्वजलपा वा:पौ /

बालानन्द पौडेलया अध्यक्षताय् नेपाल सरकारपाखें गाउँपालिका, नगरपालिका, स्वायत्त क्षेत्र, संरक्षित क्षेत्र व विशेष क्षेत्रया सीमा व संख्या निर्धारणया नितिं दयेकूगु आयोगं गाउँपालिका व नगरपालिकाया जक सिमा व संख्या निर्धारण याना अपूरो व अधुरो प्रतिवेदन लःल्हाःगु खः । उगु आयोगयात स्थानीय तह पुनर्संरचना आयोग धका: प्रचारप्रसार याना भ्रम ब्वलकेगु ज्या नं लगातार रुपं जुयाच्चंगु दु । उगु प्रतिवेदनयात कया आदिवासी जनजातिनिसं मधेसीतय्सं तर्क विरोध याना वयाच्चंगु दु । उगु आयोगं नेपाल सरकारयात लःल्हाःगु अपूरो व अधुरो प्रतिवेदन कथं यें जिल्लाया दक्षिणकाली नगरपालिका व कीर्तिपुर नगरपालिकायात स्वाका: छगू जक नगरपालिका दयेकूगु दु । उगु नगरपालिकाया नां धा:सा किपू नगरपालिका हे तःगु दु ।

साविक दक्षिणकाली नगरपालिकाय् भिन्त्यागु वडा दुगु खः गुकियात बालानन्द शर्माया आयोगं खुगू ६ जक वडा दयेका: ब्युगु दु । गुगु थथे दु ।

दक्षिण नगरपालिकाया साविक वडा नं.१, २, व ३ मिलय् याना: वडा नं १ दयेकूगु दु ।

अथेहे साविक वडा नं.४ व ५ मिलय् याना: वडा नं.२ दयेकूगु दु । साविक वडा नं ६ व ७ मिलय् याना: वडा नं.३, साविक वडा नं.८, ९ व १० मिलय् याना वडा नं.४ दयेकूगु दु ।

साविक वडा नं.११ व १२ मिलय् याना वडा नं. ५, अथे हे साविक वडा नं. १३, १४ व १५ छथाय् हे तया वडा नं.६ दयेकूगु दु

अथेहे किपू नगरपालिकाय् साविक १९ भिगुगू वडा दु । उगु वडायात क्वपाला: भिगु १० वडा जक दयेकूगु दु । गुगु थथे दु ।

साविक कीर्तिपुर नगरपालिकाया वडा नं. १ आ: ७ नं वडा जुल । साविक वडा नं. २ आ: ८ नं वडा जुल । साविका वडा नं.३ व ४ मिलय् याना: आ: वडा नं.९ दयेकूगु दु । अथे हे साविक वडा नं. ५ व ६ मिलय् याना: आ: वडा नं.१० जुल ।

अथे हे किपू नगरपालिकाया साविक वडा नं.७, ८, व १९ मिलय् याना: वडा नं.११ दयेकूगु दु । साविक वडा नं. ९ व १० मिलय् याना वडा नं. १२ दयेकूगु दु । साविक वडा नं. ११ व १२ मिलय् याना: वडा नं.१३ दयेकूगु दु । अथेहे साविक वडा नं.१३, १४ व १५ मिलय् याना: वडा नं.१४ दयेकूगु दु । अथेहे वडा नं. १६ व १७ मिलय् याना वडा नं.१५ दयेकूगु दु । वडा नं.१८ जक यात वडा नं. १६ दयेकूगु दु ।

थुगु कथं साविक दक्षिणकाली नगरपालिकाय् १५ गू वडा दुथाय् भिगु वडा काटय् याना: खुगू ६ जक वडा दयेकूगु दु । अथे हे साविक कीर्तिपुर नगरपालिकाय् १९ वडा दुगु खः । उकियात नं गुगू ९ वडा कटय् याना: भिगु १० जक वडा या:गु दु ।


थुगु कथं दकलय् अन्व: मतदाता दुगु व क्षेत्रफल नं तःकूगु वडा नं.१४ जूगु दुसा दकलय् म्हो मतदाता दुगु वडा वडा नं. १६ जूगु दु । वडा नं. १४ य् ४६७५ मतदाता दुगु खःसा वडा नं. १६ य् १४९६ जक मतदाता दुगु खः ।



### अधुरो व अपूरो प्रतिवेदनया आधारय् स्थानीय तहया निर्वाचनयात अस्वीकार यायेगु आन्दोलनरत संघीय गठबन्धनया ख्याचः

बालानन्द आयोगं लःल्हाःगु प्रतिवेदनयात कया प्यखेरं विरोध वयेवं भिंकेगु नितिं धका: स्वम्हेसिया संसदीय समिति नीस्वंगु खः । उगु समितिं सहलह ब्याका प्रतिवेदन सरकारयात लःल्हायेगु धयाच्चंगु जूसां नं लःल्हायेगु ज्या जूगु मदु । अथे प्रतिवेदन लःल्हात धायेवं जक अन्तिम रुप विइगु ज्या जूइ ।

थुगुकथं स्वयंभूले थ्व वडा विभाजन स्थलगत अध्ययन मया:से अफिसया क्वथाय् च्वना थःपिनि मंदुथे वडा विभाजन या:गु खनेदु । किपू नगरपालिकाया मू ज्याकू किपुली हे च्वनी धयातःगु दु । थ्व खँय् दक्षिणकाली नगरपालिकाया जनतां किपू नगरपालिकाय् गाभय् या:गु अवैज्ञानिक जुल धका: विरोध यानाच्चंगु दु । थुकी छु जुइगु खः स्वयंभूले दनि । नेपाल सरकारं आधिकारिक जानकारी धा:सा ब्युगु मदुनि । अथे किपू नगरपालिकाय् दक्षिणकाली नगरपालिका दुध्याकल धका: दक्षिणकालि नगरपालिकाया स्थानीयवासीत आन्दोलनय् क्वहां वयाच्चंगु दु । स्वनिगः जःखःया बनेपा नगरपालिका अथे हे थाहा नगरपालिका लगायतया नगरपालिकाय् ३० हजार जनसंख्याया मापडण्ड तया नगरपालिका दयेकेगु तर स्वनिगलय् धा:सा ६० हजार जनसंख्याया मापडण्ड तयेगु ज्या याये मजिउ धका: विरोध याना वयाच्चंगु दु । विशेष याना स्वनिगलय् स्थानीय तहलय् तर्क नेवा:तय् अल्पमतय् लाकेगु योजना कथं बालानन्द आयोगं प्रतिवेदन लःल्हात धका: संघीय समाजवादी फोरम लागयत संघीय गठबन्धनय् आवद्ध जुयाच्चंगु राजनीतिक दलतय्सं नापं आदिवासी जनजातितय्सं विरोध याना वयाच्चंगु दु । स्वनिगःया लागा गुलि गुलि चीकू याना नगरपालिका दयेकल उलि उलि हे स्वनिगःया आदिवासी नेवा:तय्गु बाहुल्यता दइगु अले



उकिं याना नेवा: पहिचानयात त्यंकेफइगु नापं नेवा:तय्सं थःपिनिगु पहिचान कायम यानातये फइगु अवस्था खःसा गुलि गुलि तःकू स्थानीय निकाययात उलि उलि नेवा: पहिचान समाप्त जुया वनीगु जुया हे नेवा: विरोधीतय्सं अथे स्थानीय तहया बारे गलत मापडण्ड हःगु खः धका: संघीय समाजवादी फोरम नेपालया छम्ह नेतां ज्वजलपा वा:पौयात धयादीगु दु ।

थ्व हे भूवलय् शंखरापुर नगरपालिकाया स्थानीयवासीत नं लगातार रुपं आन्दोलनय् क्वहां वयाच्चंगु दु । स्थानीय तह कथं आ: दक्षिणकालि व किपू नगरपालिका छगू हे याये धुंका: गुगु कथं प्रशासनिक ज्या न्ह्याकीगु खः धका: स्वयं नगरपालिकाया कर्मचारीत अजूचायाच्चंगु दु ।

अथे हे दक्षिणकालि नगरपालिका छैमले लागा तर्क लानाच्चंगु खःसा छैमलेयापिन्त फपि अर्थात फर्पिड तक वया नगरपालिकाया ज्याखँ यायेत थाकूयाच्चंगु अवस्थाय् आ: हाकनं किपू नगरपालिका जुइ धुंका छैमलेया स्थानीयवासीत किपुलिइ थ्यं वया ज्या यायेमालीगु अवस्था धइगु तसकं हे अव्यवहारीक जुइ धका: न्हयथसं स्थानीयवासी थःपिन्त दुःख पिइत जक राज्यं अज्वःगु ज्या यात धका: विरोध यानाच्चंगु अवस्था खः ।



# ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाक्

प्रिन्ट स्काई, येँ

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

## सम्पादकिय

## नेवा: देय् दबूया विवाद

नेवा:तय्गु राष्ट्रिय संगठन नेवा: देय् दबूया विवादया दथुइ स्थगित जुयाच्वंगु खुक्वःगु तःमुँज्या यायेगु नितिं धका: तयारी या:गु नापं ग्वसा: खल: तर्क नीस्वनेगु ज्या या:गु ख: । दाइय् चैत्र ४ व ५ गते यायेगु धका: तयारी या:गु जूसां अन्ततः लिपांगु इलय् वया नेवा: देय् दबू व ग्वसा: खल:या दथुइ विधानयात व्याख्या यायेगुनिसं तःमुँज्याय् प्रतिनिधित्व याकेगु सवालया जुयाच्वंगु विवादं हाकनं देय् दबूया तःमुँज्या लिहां वनीगु अवस्था ब्वलंगु दु ।

न्यादँ तक विवाद जुया याये मफयाच्वंगु तःमुँज्या यायेगु नितिं ग्वसा: खल:या ज्या छु ख: अले देय् दबूया केन्द्रीय नेतृत्वया ज्या छु ख: धइगु विषययात कया सहमति जुइ मफया हे थुगुसी विवाद ब्वलंगु खने दु । उकिं आ: देय् दबूया तःमुँज्या यायेगु नितिं तःमुँज्या ग्वसा:खल:या जिम्मेवारी छु ख: ? निर्वाचन समितिया भाला छु ख: ? अले देय् दबूया केन्द्रीय ज्यासना पुचःया ज्या छु ख: नापं विधानया सवालया विवाद वल धा:सा गुगु कथं समाधान यायेगु धइगु खँ स्पष्ट यायेगु ज्या जुइमा: ।

खुक्वःगु तःमुँज्याय् प्रतिनिधित्व याइपनिगु सवालयात कया नं सहमति जुइ फत धा:सा अवश्य नं नेवा: देय् दबूया तःमुँज्या जुइगु अवस्था दु धका: थुइकेमा: अले सकलं सरोकारवालात जिम्मेवार जुया न्ह्या: वनेमा:गु अवस्था ब्वलंगु दु ।

## गजल शौरभ शाक्यया

### गजल-२२

गुलिदत स्यानाच्वंगु घा:, अझ लंगु म  
घा:तसकं स्यात नं, जनता अझ दंगु मखुनि ।  
धाइपिसं धइच्वन, थ्व सरकार हे बांला:मजू  
नयेधौत म्व:म्व:, ज्या छु अझ संगु मखुनि ।  
न्ह्यागु व्यवस्था वसां, वहे मुलु वहे सूका  
मभिपिँ सुइतं, न्यायनं मा: हंगु मखुनि ।  
साव दिक्कजुल, स्व स्वथाय् अराजक खना  
देश न्यंक भिँ जुइगु लु, अझ खंगु मखुनि ।  
गुबले वइयें व न्हि, चकंगु नेपा: स्वयेगु  
सन्त्यलं तिसिनाच्वंगु मिखा, अझ कंगु मखुनि ।



## नेवा: म्हसीका



### -पूर्ण ताम्राकार

नेपा: बहुजातीय व बहुभाषा-भाषी दे ख: । नेपा:या छगू प्रमुख जाति नेवा: जाति ख: । 'नेवा: खँग्व:या पूर्वगु रुप धा:सा 'नेवार' ख: । नेपालभाषा व्याकरणकथं ल्युनेया आख:ग्व: तंथाय् ल्युने विसर्ग छयलेगु या: । गथे 'नेपाल'यात नेवा: भासं 'नेपा:' धाइ । थथे हे 'नेवार' या 'र' लिक्का: ल्युने विसर्ग तयेवं 'नेवा:' जुइ । नेवा: जाति छु गथे धका: संक्षिप्त म्हसीका उलेगु थ्व च्वसुया कुत: ख: ।

**'नेवार' खँग्व:या व्युत्पत्ति** - 'नेवार' खँग्व: छु जाति विशेष नाप जक स्वानाच्वंगु मखुसे देया नां 'नेपाल' खँग्व:नाप स्वानाच्वंगु दु । इतिहास शिरोमणी बाबुराम आचार्यया कथं 'नेपाल' या पुलांगु नां 'नेपार' ख: । 'नेपार' खँग्व: नं 'डेपार' खँग्व:या परिष्कृत रुप ख: । 'डेपार' जातिया नां ख: । नेवार जातिया पूर्वजपिँ उत्तर थाय्बाय् हिला: लुमुगु व भिंगु चा दुगु थाय् नेपा: गालय् वया: च्वंगु अनुमान यानात:गु दु । थथे नेपा: गालय् प्रारम्भ कालय् बस्ति दयेका: च्वपिन्त 'डेपार' जाति धाइ । 'डेपार' जातियात संस्कृत भाय्पा प्रभाव याना: 'डेपार'या 'नेपार' यानाबिल । नेपार जाति नेपा:या आदिवासी ख: ।

दकलय् न्हापां डेपारं नेपार जुल । लिपा भाषा विज्ञानकथं 'नेपार' हे 'नेवार' जुया: नेवारं नेवाल व नेवाल नेपाल जुगु खनेदु । 'डेपार' खँग्व: छयलात:गु ऐतिहासिक ज्वलं आ:तक मलूनिसा 'नेपार' खँग्व: छयलात:गु ने.सं.७५७ ( ई.सं. १३७) या यल चापागांया अभिलेखयात कायेपु । बाबुराम आचार्य 'नेपालको संक्षिप्त इतिहास'य् नेपार जातिया नामं देया नां नेपाल च्वंवन, वहे नेपार जातियात लिपा 'नेवार' धायेगु यात धका: च्वयादिल । वय्क:या तर्ककथं कौटिल्यया अर्थशास्त्रय् 'नेपार'या 'र'यात स्थंका: 'ल' च्व:गु ख: ।

अथे हे सूर्य विक्रम ज्ञवालिं 'नेपाल, नेवार, नेवा: स्वंग: खँग्व: नेपाल देया निवासी वा नेपाली जाति जुइ ।' धका: च्वयादिल । थुकिं नेवार खँग्व:या व्युत्पत्ति 'डेपार' वा नेवार नेपा:या प्राचीन आदिवासीकथं कायेगु या:गु खँ उलाव्यु ।

नेवा: जाति -

नेवा: खँग्व:या व्युत्पत्ति धुंका: नेवा: जाति छु गथे धयागु नं सीके बह:जू । नेवा: जाति छगू हे जातिया संरचना मखु । थौंया नेवा: समाज स्वयेवलय् थ्व जाति अनेक जातिइ मिश्रित समूह खनेदु । थ्व जाति इतिहासया महत्वपूर्ण जाति आभीर, किरात, लिच्छवि, वैश्य, ठकुरी व कर्माचार्यतयगु मिश्रण जूगु स्वीकार यानात:गु दु । थ्व खँग्व् इतिहासकारतय् छप्पा: म्हतु जूगु दु । बरु थिथी लेखकपनिगु अभिव्यक्ति व विश्लेषण जक पा:गु भीसं खनी । थुगु खँग्व् समालोचक मल्ल के. सुन्दरजुं 'तिब्बति मूलया किरातत नं नेवा: जुल, आर्य मूलया शाक्य, कोलीय, लिच्छवि, थकू, मल्ल नं नेवा: जुल । उलि जक मखु विहारं व:पिं धोव्यात, अले काश्मीरं कुहांव:पिं मुस्मात नं नेवा: जुल । अले थिथी इलय् थिथी कथं नेपा:गा: दुहां वया: गुबलय् थुमिसं नेवा: भाय्पात थ:गु मांभाय्कथं नालाकाल, उबलय् उपिँ सकलें नेवा:कथं परिचित जुल धका: च्वयादिल । कोलीय परिवार त महामानव गौतम बुद्धया जीवन कालय् भारत बनारसया जुजु विइडुभं नेपालया कपिलबस्तुइ आक्रमण या:बलय् अनं विसृंय:पिं ख: धयाच्वंगु दु । उकिं नेवा: जाति धायेवलय् थिथी इलय् थिथी थासं वया: नेपा:गालय् च्वंर्चपनिगु मिश्रित समुदाय ख: ।

**नेवा: भाय् -**

नेवा: जातिया म्हसीकाया प्रमुख चिं नेवा: भाय् ख:, नेपालभाषा ख: । छाय्धा:सा आभीर, किरात व लिच्छवितनिसं कया: सन् १५०१ पाखे जुजु रत्न मल्लया इलय् स्वनिगलय् दुहांव:पिं मुस्मांतय्सं नापं नेवा: भाय् ल्हाना: नेवा: जुयावन । उकिं नेवा: म्हसीकाया छगू मूल लिधंसा नेवा: भाय् ख:, नेपालभाषा ख: । सुनां नेवा: भासं खँ ल्हाइ, व नेवा: ख: । नेवा: भाय् नेपा:या जक मखुसे एशियाया प्राचीन भाय् मध्ये छगु ख: । नेपा:या थिथी प्राचीन ग्रन्थ व ऐतिहासिक ग्रन्थ नेवा: भासं च्वयात:गु दु । लिच्छवि कालय् नेवा: भाय् राजकीय भाषा मखुसां जनभाषा ख: । लिच्छवि जुजु मानदेव प्रथमया अभिलेखय् 'गुविहार' व वया बाज्या वृषवदेवया अभिलेखय् 'सीनगु विहार चैत्य' खँग्व: छयलात:गु दु । 'गु' धयागु थौतक छयलावुलाय् वयाच्वंगु खँग्व: ख: । अन्वेषक तीर्थलाल न:घ:भनी गोपालराज वंशावलीया पौ २८ सं न्थथनात:गु जुजु हरिदत्त वर्मा प्यंगू गुँचकाय् प्यम्ह नारांघ: पलिस्था या:गु उल्लेख जूगु व भाषा वंशावलीया ५५ पौस 'चांगु नारायण पश्चिम भागय् विराजमान ..... इचंगु नारायण' उल्लेख जुयाच्वंगुया लिधंसाय् 'गु' खँग्व: जुजु हरिदत्त वर्माया स्वया: न्थ्य: हे खनेदुगु जुल । उकिं 'चंगु' धयागु नेवा: भाय् खँग्व: १९१३ दँ पुलांगु खनेदत ।

थथे धायेवलय् थ्यमथ्यं १९१३ दँ न्थ्य: हे नेवा: भाय् दुगु खनेदत । थ्वयां न्थ्य: नेपालभाषां च्वयात:गु लिपिबद्ध ग्रन्थय् 'संवत् २२४ चैत्र शुक्ल दशमी

आदित्यवार सिधयका जुल' धका: च्वयात:गु 'तथागत गुप्त्यक' या अन्त्य च्वयात:गु वाक्य ख: । थ्व तथागत गुप्त्यक गाथा ग्रन्थ जुजु शिवदेव (प्यम्हम्ह) ने.सं.२१८-२३०या पालय् सिधयेकगु खनेदु । थुकिं नेवा: जाति ल्हाइगु नेवा: भाय्पा इतिहास १८००/१९०० दँ ता:हाक: जूगु स्पष्ट या: । थुक्थं नेपा:या प्राचीन ऐतिहासिक ग्रन्थय् नेवा: भाय्पा छयलावुलां नं नेवा: जाति नेपा:या प्राचीन आदिवासी ख: धयागु खँ उलाव्यु ।

**सामाजिक संस्कार :-** नेवा: म्हसिकाया मेगु चिं नेवा:तय्गु सामाजिक विधि, संस्कार, परम्परागत रीतिरिवाज ख: । बुसानिसं स्वातल्य व सी धुंका: लिपा निर्दंतक याइगु थिथी विधि व संस्कार हे नेवा: सामाजिक संस्कार ख: । सामाजिक संस्कारय दकलय् न्हापां मचाबू व्यंकें शुरु जुइ, वयां लिपा मचा जंक्व, निर्दं बुदिं, प्यदं बुदिं, दँयदंसं जन्मन्हि, मिसामस्तयत इही व बा:रा: तयेगु, मिजंमस्तयत कयतापुजा वा बरे छुइगु, इहिपा व दकले लिपा बुरा बुरी जंक्व कर्मकाण्ड नेवा: म्हसिकाया चिं ख: । सी धुंका: बिचा: फयेगु, प्यन्हुखुन्हु 'ल्व:चा' न्हयन्हुखुन्हु 'न्हयन्हुमा' भिन्हुखुन्हु व्यंकें, भिनिन्हुया 'घ:सू' व भिस्वन्हुखुन्हु 'निमो' लत्या धुंका: लय् लय् पतिकं श्राद्ध यायेगु, दच्छि दुखुन्हु दकिला व निर्दं धुंका: निर्दंया तिथि यायेगु नेवा: संस्कार ख: । नेवा:तय्सं याइगु थ्व विधि व्यवहारय् नं थाय् व जात पतिकं पायेफु वाय् विविधता दयेफु । अथेसां थ:थ:पिनि विधिकथं संस्कार न्थ्याकाच्चीपं फुक्क नेवा:त ख: ।

नेवा: जातिया म्हसीका मध्ये छगू नख:चख: ख: । लय् लय् पतिकं अझला प्यन्हु मपाकं नख:चख: हना: जीवन हनीपिं सुं जाति दुसा व नेवा: जाति हे ख: ।

नेवा:तय्सं हनीगु नख:चख:तय् य:मरि पुन्हि, मिला पुन्हि (थ्वखुन्हु शिव मार्गी नेवा:तय्सं स्वस्थानी बाखं ब्वनेगु, कनेगु शुरु याइ), हाम्व:संल्हू, श्रीपन्चमि, सिलाच:रे, मांया ख्वा: स्वये, खाइसंल्हू, (थ्वखुन्हु ख्वपय् बिस्का: जात्रा जुइ), सिधिनख:, गथांमुग:, नागपन्चमि, गुंपुन्हि, सापारु, पन्जरां, चथा:, बौया ख्वा: स्वये, येंया: पुन्हि, न:लिस्वना च:रे मोहीन (कूछिभवय्, स्याक्वत्याक्व व चालं - (कचालंखुन्हु त्वा:त्वालय् पाया: पिहां वइ), स्वन्ति (लक्ष्मीपुजा, म्हपुजा व किजापुजा), सकिमिला पुन्हि, वाला च:रे ख: ।

थुकी नं य:मरि छुइ मज्यूपिं तर य:मरि नये ज्यूपिं व म्हपुजा याये मज्यूपिं वाय् म्हपुजा याये म्वा:पिं नेवा:त नं गनं गनं दयेफु । अथेसां च्वय् न्थ्यथनागु दक्वं नख:चख:तय् छगू निगू नख:चख: गनं थासय् वाय् सुं नेवा:तय्सं महंसा अप्व: नेवा:तय्सं थौं नं थिथी नख:चख: हना: नेवा:या परिचय वियाच्वंगु दु, नेवा: पह: न्थ्यव्वयाच्वंगु दु ।

कथहं.....



## ज्यापु महागुथि किपूया साहित्य गोष्ठी क्वचाल



ज्वजलपा वाःपौ /

ज्यापु महागुथि किपू नगर समितिया खसालय् वंगु फागुण १६ गते किपूया मंगल उच्च मा.वि.या हलय् न्हापांखुसि नेपालभाषा साहित्य गोष्ठी जुल ।

साहित्य गोष्ठीया संयोजक अर्जुन महर्जन नेपाःमिया नायोसुइ जूगु उगु ज्याभवः मूपाहाँ ज्यापु महागुथि केन्द्रीय नायो लोककवि राजभाइ जकःमिं सुकुन्दाय् मतच्याका उलेज्या यानादिल । मेपिं पाहांमिं नेपालभाषा केन्द्रीय विभाग प्रमुख प्रा.डा.चन्द्रमान बज्राचार्य, बाजा गुरु गोविन्द महर्जन, समालोचक पूर्ण ताम्राकार, प्रयाग मान प्रधान व ज्यापु महागुथि केन्द्रीय पुलांम्ह न्वकू कुलवहादुर महर्जनपिं भायादीगु खः । नेपालभाषा साहित्य, हास्यव्यंग व प्याखं निर्देशक रामशेखर नकःमिया निधनप्रति छगू मिनेट मौन धारणा याना श्रद्धाञ्जली प्वंकूगु खः ।

ज्यापु महागुथि किपू नगर समितिया छयाञ्जे सरल गोपाल महर्जन न्ह्याकादीगु उगु ज्याभवःलय् ज्यापु महागुथि किपू नगरसमितिया नायो नजरराम महर्जन लसकुस न्वचू नापं ज्याभवःया बारे दुग्यंक कुलादीगु खः । उगु साहित्य गोष्ठी बाखं, हाइकू, मुक्तक, गजल व चिनाखँ याना नीनिम्हसें रचना पाठ याःगु खः । उगु गोष्ठी च्वसा ब्वनेगु

जक मखुसे नेपालभाषा, साहित्य बारे नं सहलह जूगु खः । बाजं गुरु गोविन्द महर्जन नेवाःतय्गु बाजा तनांवनीगु अवस्थाय् थ्यनाच्वंगु खँ च्यूताः तयाः दिल । अथेहे प्रयाग मान प्रधानं नेपालया सांस्कृतिया म्हसिइका बिइबलय् ९० प्रतिशत नेवाःतय्गु संस्कृतिया खँ वई, अयसां नेवाः संस्कृति बचय् यायेगु पाखें सरकारं वास्ता याःगु खने मदु धकाः नुगः खँ तयादिल ।

अथेहे समालोचक पूर्ण ताम्राकारं नेपालभाषा साहित्य जगेना यायेत व नेपालभाषाया विकास यायेत थजःगु साहित्य ज्याभवः इलय् ब्यलय् याना हे च्वनेमाःगु खँय् वः बियादिल । नेपाल सरकारया छगू भाषा नीतिं भीगु भाय् न्हनां वनीगु अवस्थाय् थ्यनाच्वंगु दुसा भी नेवाःतसें नं थः मस्तयूत खस भाय् स्यनेगु याना हयाःच्वंगुलिं नं नुगः मछिंका दिल ।

नेवाः पत्रकार राष्ट्रिय दबूया केन्द्रीय नायः श्रीकृष्ण महर्जन नेपालभाषा साहित्य देशय् दुगु असमानता, विभेद व उत्पिडनया बारे च्वःगु खनेदु । थौकन्हेया सरकारया छगू भाषा नीतिया हुनिं कन्हय् ज्यापु महागुथिया नां किसान महागुथि ती धालधाःसा स्वीकार यायेगु कि मयायेगु धकाः न्हयसः तयादिल । भीगु भाय् लिपि हुयाछवयेगु कुतः जुयाच्वंगु दु ।

थ्व संविधानं स्वायत्त क्षेत्र, संरक्षित क्षेत्र, विशेष क्षेत्र दय्माःगु खःसां छुं हे अधिकार मदय्का ब्यूगु दु । स्थानीय तहया चुनाव घोषणा जुइधुंकूगु दु । गन नेवाःतय्गु बाहुल्यता दु उगु थासय् जनसंख्याया आधार कालनं भेदभाव याःगु दु यादिल । वय्कलं जारी जूगु संविधानं हे नेवाः नापं उत्पीडित समुदाययात विभेद यानातःगु दु धकाः न्हयथनादिल ।

अथेहे प्रा.डा. चन्द्रमान बज्राचार्यजुं थ्व नेपालभाषा साहित्य गोष्ठी आयोजना यानां ज्यापु महागुथिं तःधंगु ज्या याःगु ताय्का । काव्य वा साहित्य धइगु समाजया न्हाय्कं खः । थन ब्वंगु रचनात न्यानाबलय् फुक्कय् हे समाजय् दुगु असमान व्यवहार, अन्याय अत्याचारया बारे न्हयथनातःगु खनेदु । थ्व साहित्य गोष्ठी जूगुलिं साहित्यया बारे छुं छुं खँ ल्हाय् हे माः । थःगु मनया भावना कनेगु खः तर व गुगुकथं कनेगु थःथःगु तरिका दइ । व तरिका थुइकेया निंतिं नांजाःपिं च्वमिपनिगु रचनात नं ब्वनेगु यायेमाः धयादिल । थन ब्वंगु कविता खँल्हाबल्हाथें जुयाच्वन । कविता अप्रत्यक्ष रुपं धायेगु यायेमाः । थ्व ज्याभवः चीधंगु थें च्वसां थुकि साहित्य, भाषा व राजनीतिया बारे नं यक्व खँ वय्धुंकल । तर संविधानया बारे बांलाक खँ मवः । भीगु निंति थ्व संविधान अनुकुल मजू । उकिं गनं गनं थ्व संविधान स्वया ४७ सालया संविधान हे बांलाःला धइथें च्वना वइगु । ४७ सालया संविधानय् शोषणरहित समाजया कल्पना यानातःगु दु । तर थ्व संविधानय् अजःगु छुं हे उल्लेख मजू धयादिल । अथेहे ज्यापु महागुथि केन्द्रीय नायो व मूपाहाँ लोककवि

राजभाइ जकःमिं ज्यापु जुयाया गर्व ताय्केमाः । ज्यापु मन्तधाःसा नेवाः दइमखु, नेवाः मन्त धाःसा देय् दइमखु । ज्यापु महागुथिं ज्यापुया निंतिं जक मखु सकल नेवाःतय्गु निंतिं ज्या यायेमाः । थ्व ज्याय् ज्यापु महागुथि किपू नगरसमिति न्ह्यावनांच्वंगु दु धयादिल । अथे हे वय्कलं साहित्यया बारे साहित्य सिर्जना यायेगु तसकं थाकुगु खः । संसारय् गुलिसें साहित्य सिर्जना याइ । तर व फुक्क बय् वय् जुइमखु । छुं छुं साहित्य जक चर्चाय् वइ । थ्व छु धाय्बलय् साहित्य सिर्जना याय्बलय् तपस्या यायेमाः । दुग्यंक अध्ययन याना रचना यायेमाः । मखुसा च्वय्वं तुं साहित्य जुइमखु धयादि । अले वय्कलं जयप्रकाश मल्लया साहित्य बारे न्हयथनादिसें, जयप्रकाशया बारे च्वयादीगु चिनाखँ न्यकाः दिल ।

ज्यापु महागुथि किपू नगर समितिया ल्यू छयाञ्जे रामभोला महर्जन सुभाय न्वचू बियादीगु खः । वय्कलं थःपनिगु अमूल्य ई व विचाः नापं तयादीपिं सकसित सुभाय बियादिल । अथे हे व ज्याभवः न्ह्याकेगु निंति आर्थिक ग्वाहालि यानादीम्ह पदमिनी ज्वेलर्स तःगःवपि किपू व थाय्बिया ग्वाहालि यानादीम्ह मङ्गल उच्च मा.वि.यात नं सुभाय देछाना च्वना । सभाया नायो अर्जुन महर्जन नेपाःमिं सभा क्वचाय्के न्हयः धयादिल, ज्यापु महागुथिया ब्यानरय् पहिचानया संविधान ज्यापु जातिया अभियान च्वयातल । तर उगु कथं भीसं छुं याये फयाच्वंगु मदु । थौं न्हूगु संविधान वल, नश्लवादी संविधान वःगु दु । भीगु अधिकार फुक्क क्वपाला तःगु दु । थुकिया विरुद्ध भीसं कलमया माध्यमं यायेगु खःला धकाः न्हयसः तयादिल ।

## न्हापांखुसि नेवाः मिसा

### पत्रकार सम्मेलन याइगु

### न्याम्ह मिसा पत्रकारतय्त्त सम्मान



ज्वजलपा वाःपौ /

नेवाः पत्रकारतय्गु राष्ट्रिय संगठन नेवाः पत्रकार राष्ट्रिय दबूया मिसा कवःया खसालय् वइगु अन्तर्राष्ट्रिय मिसा दिवस चिल्लाथ्व एकादशी फागुन २५ गते बुधवाःया दिनय् न्हापांखुसि नेवाः मिसा पत्रकार सम्मेलन याइगु जूगु दु ।

नेवाः पत्रकार राष्ट्रिय दबूया मिसा कवःपाखें न्हापांखुसि अन्तर्राष्ट्रिय मिसा दिवसया लसताय् उगु कथं नेवाः मिसा पत्रकार सम्मेलन यायेत्यंगु खः ।

यलया ताम्राकार समाजय् जुइगु उगु सम्मेलनय् यें, यल, ख्वप काभ्रेया थ्यंमथ्यं स्वंगू दर्जन नेवाः मिसा पत्रकारपनिगु सहभागीता दइ धाःगु दु ।

अथे हे पत्रकार सम्मेलनय् नेपाःया पत्रकारिता ख्यलय् मिसापनिगु अवस्था, जनजाति पत्रकारिता ख्यलय् नेवाः मिसापिं पत्रकारतय्गु अवस्थाया बारे कनेगु नाप नापं नेवाः मिसा पत्रकारतय्सं संचार ख्यलय् तयेमाःगु सः थ्वयेकेगु निंतिं नं उगु कथंया नेवाः मिसा पत्रकार सम्मेलन यायेत्यनागु खः धकाः धाःगु दु ।

नेपाःया पत्रकारतय्गु मंकाःगु संगठन नेपाल पत्रकार महासंघया जिल्ला जिल्लाया अधिवेशननिसें केन्द्रीय महाधिवेशन जूवनाच्वंगु अवस्थाय् नेवाः मिसा पत्रकारपिन्सं नं समावेशीतया मुद्दानिसें नेवाः मिसापनिगु हक अधिकारया सवालय् नं सहलह ब्याका छगू कथं मंकाः सः पित बिइगु निंतिं नं अथे नेवाः मिसा पत्रकार सम्मेलन यायेत्यनागु खः धकाः धाःगु दु ।

उगु ज्याभवलय् पत्रकारिता ख्यालय् विशेष योगदान यानादीपिं न्याम्ह नेवाः मिसा पत्रकारपिन्त हनेगु ज्या नं जुइ धकाः धाःगु दु ।

## नेवाः देय् दबूया खुक्वःगु अधिवेशन

### लिच्छ्यात : बैशाखं जुइगु



ज्वजलपा वाःपौ /

नेवाःतय्गु राष्ट्रिय संगठन नेवाः देय् दबूया खुक्वःगु अधिवेशन लिच्छ्यातःगु दु । नेवाः देय् दबूया थौं शुरुवाः च्वंगु केन्द्रीय समितिया मुँज्यां अधिवेशन बैशाखं यायेगु निर्णय याःगु खः ।

देय् दबूया अधिवेशन थ्वयां न्हयः चैत्र ४ व ५ गते यायेगु कथं क्वःछिना तःगु खः । तर देय् दबूया विधान कथं जिल्ला अधिवेशन यानाः जक प्रतिनिधि ल्ययेमाःगु जूगुलिं उकथं चैत्र ४ व ५ गते क्वःछिनातःगु अधिवेशन बैशाखं यायेगु निर्णय थौं च्वंगु केन्द्रीय समितिया मुँज्यां अधिवेशन तिथि लिच्छ्यानाः बैशाखं यायेगु निर्णय याःगु खः । अधिवेशन धाःसा दांगया घोराहीलय् याइगु जुगु दु । सिइदु कथं नेवाः देय् दबूया अधिवेशन बैशाख ८ व ९ गते यायेगु खँय सहमति जुइ धुकुसा तिथियात कयाः आधिकारीक निर्णय धाःसा कन्हय् जक याइगु खँ नं सिइदुगु दु ।

## नेपालभाषा क्लबया न्वचू कला तालिम न्ह्यानाच्वन



ज्वजलपा वाःपौ /

नेपालभाषा क्लब किपूया खसालय् 'व्यक्तित्व विकासया

निंति 'न्वचू कला' धकाः वंगु फागुण १४ गतेनिसें किपूया १७ वडा बाहिगामय् च्वंगु कीर्तिपुर मा. वि. न्ह्यानाच्वंगु दु ।

नेवाः पत्रकार राष्ट्रिय दबूया केन्द्रीय न्वकू के.के. मानन्धर न्ह्याकाच्वंगु उगु तालिमया खुन्हू दुगु दिं वंगु शुक्रवार ज्याभवलय् ब्वति कयादीपिनगु दथुइ छगू प्राकटिकल न्हयब्वयगु ज्या जुल ।

उगु तालिमया मू विषय खः उद्घोषण अर्थात ज्याभवः

गथेयाना न्ह्याकेगु, न्ववाय्बलय् गुगुकथं न्ववाय्गु, नेतृत्व विकास, संस्थागत संरचना व पत्रकारिताया बारे स्थानिकने यानाच्वंगु खः ।

थ्वहे ज्याभवः कथं छम्ह तःधंम्ह मनूयात सम्मान यायेगु ज्याभवः तयातःगु खः ।

उगु ज्याभवः न्ह्याके स्वया न्हयः पत्रकार सम्मेलन यायेगु बारे प्रशिक्षण बियादीगु खः । फेशन डिजाइनर शोभा महर्जन ज्याभवः न्ह्याकेगु जिम्मा कया ज्याभवः न्ह्याकादिल । आयोजक नेपालभाषा क्लब किपू जुल ।

मन्चय् क्लबया नायो सुरेन्द्र महर्जन, न्वकू रुपा शाही व दांभरि विदुर देउला च्वनादिल । मेपिं प्रशिक्षार्थीत सकल पत्रकारया रुपय् च्वनादिल ।

तसकं न्ह्याइपुक अन न्हयसः लिसः कासा थें जुल । मन्चय् दुपिं स्वम्हसें पालंपाः अन वःगु न्हयसःया लिसः बियादिल ।

किपुलिइ न्ह्यानाच्वंगु थ्व व्यक्तित्व विकासया निंतिं न्वचू कला प्रशिक्षण ज्याभव भिन्त्यान्हुया खः धकाः प्रशिक्षक के के मानन्धर कनादिल ।



# कीर्तिमान कायम याःगु दाफा महोत्सव

श्रीकृष्ण महर्जन

नेपालमण्डल टेलिभिजनया खसालय ललितपुर मलय प्रायोजनय वंगु स्वन्ति नखःया कःपुजाया दिं कार्तिक १२ गते शुक्रवाःनिसें प्रत्येक सुक्रवाः व शनिवाः २ बजेनिसें ६ बजे तक जूगु नेपालमण्डल दाफा महोत्सवं यक्व हे कीर्तिमान कायम याःगु दु । न्याला तक जूगु थुगु महोत्सव नेपाःया दक्ते ताःहाकःगु महोत्सव जुया विउगु दु । प्रस्तूतया ल्याखं जक स्वल धाःसा न्हिइ ४ घण्टाया ल्याखं मुक्कं याना ६ सय ४ घण्टा ताः हाकः प्रस्तूति जूगु दु । नेपाःया राष्ट्रप्रमुख विद्यादेवी भण्डारीं उलेज्या यानादीगु थुगु महोत्सवय् भूवलय उद्घाटन समारोह

## कार्तिक १२ गते शुक्रवाः

- १) नेपालमण्डल अर्केष्ट्रा
- २) ज्याथा गणेश दाफा भवन, खप (भैलः प्याखं)
- ३) श्री रुद्रायणी देपा दाफा खलः, खना (भिं प्याखं)

## कार्तिक १३ गते शनिवाः

- ४) पुखुचां दाफा खलः, यै
- ५) थाहावाहाः दाफा खलः, किपू
- ६) दक्षिणकालि टिपित्वल दाफा, फौपि
- ७) लायकूसाः मानन्धर समाज, यै

## कार्तिक १९ गते शुक्रवाः

- ८) नसंचा दाफा खलः, यल
- ९) लुकमाननि बासुरी दाफा खलः, चापागां
- १०) सागःत्वाः दाफा खलः, किपू
- ११) लुमु दाफा मंकाः खलः, लुमु

## कार्तिक २० गते शनिवाः

- १२) ल्वल मंकाः दाफा खलः, यल
- १३) श्री इन्द्रायणी दाफा खलः, तोखा
- १४) सतुंगल दाफा खलः, सतुंगः
- १५) एन्जल बाजा खलः, वज्रबाराही

## कार्तिक २६ गते शुक्रवाः

- १६) श्री पीगंधः दाफा भजन खलः, तोखा
- १७) गःछै दाफा खलः, किपू
- १८) श्री कंकेश्वरी दाफा भजन खलः, यै
- १९) श्री चण्डेश्वरी दाफा खलः, तोखा
- २०) श्री जय मनोहर महाविहार भजन खलः, यल

## कार्तिक २७ गते शनिवाः

- २१) त्यंघः त्वाः कुमाः दाफा खलः, यै
- २२) घट्खा दाफा भजन खलः, खप
- २३) ल्हवंखा दाफा खलः, ल्हवंखा
- २४) कुंछैर्ननि मंकाः दाफा खलः, यल
- २५) भीगु वासुरी खलः, बाडेगां

## मंसिर ३ गते शुक्रवाः

- २६) लघः छै क्वाःवहाः दाफा खलः, यै
- २७) क्वहिति दाफा खलः, यै
- २८) कुकि इनाए गणेश दाफा भजन खलः, थिमि
- २९) तोल भजन संघ, यल

## मंसिर ४ गते शनिवाः

- ३०) कृतुछै दाफा भजन खलः, खप
- ३१) कृतिसौगल मंकाः दाफा खलः, यल
- ३२) इताछै ह्वाकुंचा दाफा खलः, किपू
- ३३) दतात्रय नौ बजा भजन खलः, खप
- ३४) क्वखिं दाफा खलः, जल

## मंसिर १० गते शुक्रवाः

- ३५) नेवाः ऐतिहासिक सांस्कृतिक भजन खलः, नगदेश
- ३६) श्री वासुरी दाफा खलः, धापाख्यः
- ३७) पुला दाफा हरिसिद्ध, जल
- ३८) सुबहाल दाफा खलः, यल

## मंसिर ११ गते शनिवाः

- ३९) सरकारी दाफा मंकाः खलः, सुनागू
- ४०) श्री सिद्धिगणेश दाफा भजन खलः, नगदेश
- ४१) आकाश भैरव नौ बाजा दाफा खलः, खप
- ४२) समलत्वाः दाफा खलः, किपू

खुनु प्रस्तूति याःगु निगू दाफा खलकं मेगु दिनय नं प्रस्तूति याःगु खः ।

मुक्कं याना थ्यंमथ्यं ४ हजार ५ सयम्ह कलाकार तपाखें छगू हे दबुलिइ थःथःपिनिगु कला प्रस्तूति यायेगु ज्या जूगु नं कीर्तिमान हे जुया विउगु दु । चिस्तुङ, चित्लाङ, भोजपुर, दोल्खा, धौख्यःनिसें स्वनिगःया खंगू हे शहरनिसें गां गामं प्रस्तूति यायेगु ज्या जूगु खः । भिंस्वदै दुम्हनिसें गुइदै पुले धुंकीपिं तकं छगू हे दबुलिइ दनेगु, मिसापिन्सं जक दाफा थायेगुनिसें नीन्यादै क्वय्यापिन्सं जक दाफा थायेगु, छम्ह मिसाम्ह कलाकारं जक नौबाजा

## मंसिर १७ गते शुक्रवाः

- ४३) लुमु धाः खलः, लुमु
- ४४) गुतइत मंकाः खलः, यल
- ४५) मालिगां दाफा खलः, थेच्व
- ४६) म्हेनायो दाफा खलः, खना

## मंसिर १८ गते शनिवाः

- ४७) धिमे दाफा खलः, सुनागू
- ४८) दतात्रय दाफा भजन खलः, खप
- ४९) थंहिति मानन्धर गुथि, यै

## ५०) लायकू ननि दाफा खलः, यै

## मंसिर २४ गते शुक्रवाः

- ५१) थेच्व सिखःछै दाफा खलः, थेक्व
- ५२) बर्लसिं दाफा खलः, नरः
- ५३) बुइन दाफा खलः, जल
- ५४) श्री वैश्यवर्ण महाविहार भजन खलः, यल

## मंसिर २५ गते शनिवाः

- ५५) यल मुल दाफा भजन खलः, यल
- ५६) कुलां मंकाः दाफा भजन खलः, सुनागू
- ५७) नगां दाफा खलः, किपू

## पुष १ गते शुक्रवाः

- ५८) श्री रुद्रायणी कुतुपुखू दाफा खलः, खना
- ५९) ज्याथा पञ्चदान गुथि प्रजापति खलः
- ६०) चवुगाःहिति हरिभजन मंकाः खलः, यल

## पुष २ गते शनिवाः

- ६१) त्यंगःत्वाः दाफा खलः, यै
- ६२) चस्वांछै मानन्धर दाफा खलः, यै
- ६३) लुंखुसि मंकाः भजन खलः, यल
- ६४) तुसा दाफा खलः, तिक्कर तिनथाना

## पुष ८ गते शुक्रवाः

- ६५) श्रीबहाल दाफा भजन खलः, यल
- ६६) बालकुमारी दाफा खलः, किपू पांगा
- ६७) तःननि दाफा खलः, यै
- ६८) श्री चण्डेश्वरी दाफा भजन, खप

## पुष ९ गते शनिवाः

- ६९) श्री ब्रम्हायणी दाफा भजन, खप
- ७०) खलःतुं दाफा खलः, वुंग
- ७१) घोघ्वाखा दाफा खलः, किपू
- ७२) जमदार दाफा खलः, थिसि

## पुष १५ गते शुक्रवाः

- ७३) चीभाः दाफा खलः, थिमि
- ७४) पद्मावती दाफा भजन खलः, यल
- ७५) न्हूछै दाफा भजन खलः, नगदेश
- ७६) श्री हरिसिद्ध मृदंग पश्चिमा भजन खलः, जल

## पुष १६ गते शनिवाः

- ७७) श्री विश्वकर्मा दाफा भजन खलः, खप
- ७८) भेलाछै मंकाः खलः, यल
- ७९) सिद्धिकालि कोसिना गणेश दाफा भजन खलः, ल्हर्वाकिथलि (ल्वकंथलि)
- ८०) न्ह्यःछै दाफा खलः, थेच्व

## ८१) त्यरः त्वाः दाफा खलः, यै

## पुष २२ गते शुक्रवाः

## ८२) न्हूछै दाफा खलः, थेच्व

थायेगुनिसें सच्छिम्हेस्यां छकलं अर्केष्ट्रा क्यनेगु ज्या तकं जूगु दु । उकिं यक्व हे कीर्तिमान तयेत सफल जूगु दु नेपालमण्डल दाफा महोत्सव ।

दाफा महोत्सवं याना दिना च्वने धुंकूगु यक्व हे दाफा थायेगु सुरुवात याःगु दुसा दाफाया बारे बहस थायेगुनिसें दाफा बाजाप्रति युवातय्गु आकर्षित जूगु खने दु । कयौ दाफा महोत्सवय् ब्वति कायेत वःगु दाफा खलःपाखें दःयाथाय पुजा वनेगु थें जुइक भव्य ज्वरे याना वया नयेगु नापं न्हयाइपुकेगु ज्या जूगु दु । उलि जक मखु



## ८३) चववाहाः दाफा खलः, चववाहाः

- ८४) स्वच्छन्द भैरव धार्मिक तथा सांस्कृतिक व्यवस्थापन समिति, चित्लाङ
- ८५) वल्खु चीवाहाः दाफा खलः, यल

## पुष २३ गते शनिवाः

- ८६) ल्हर्वाकिथलि सिद्धगणेश दाफा भजन खलः, थिमि
- ८७) हःक त्वाः मंकाः खलः, यल
- ८८) कुतिसाः दाफा खलः, किपू
- ८९) क्यथा दाफा मंकाः खलः, जल

## पुष २९ गते शुक्रवाः

- ९०) युतुननि दाफा खलः, यै
- ९१) पाःच्व गणेश दाफा भजन खलः, थिमि
- ९२) हौगः दाफा खलः, यल
- ९३) बन्थोक दाफा बासुरी खलः, बन्थो (नैकाप)

## माघ १ गते शनिवाः

- ९४) श्री कमलाछि गणेश जमःमि गुथि, यै
- ९५) कायगू नानि मंकाः खलः, यल
- ९६) तःखाछै दाफा खलः, थिसि
- ९७) मागः भोताहिंति त्वाःखलः मंकाः समाज, यै

## माघ ७ गते शुक्रवाः

- ९८) खपिंछै दाफा खलः, यल
- ९९) मनमय्जु दापा खलः, फसिख्यः
- १००) क्वय्छै दाफा खलः, थिसि
- १०१) म्वाः नःत्वाः दाफा खलः, किपू

## माघ ८ गते शनिवाः

- १०२) नरः वय् दाफा खलः, नरः
- १०३) श्री साःकुलां मानन्धर दाफा खलः, खप
- १०४) श्री गलसि गणेश दाफा भजन, खप
- १०५) च्वछै मंकाः खलः, यल

## माघ १४ गते शुक्रवाः

- १०६) याःछै गणेश दाफा भजन खलः, खप
- १०७) हरिभजन मंकाः खलः, यल
- १०८) श्री रुद्रायणी न्ह्यःबु दाफा खलः, खना
- १०९) परम्परागत तुंकंवाः हिउमत त्वाः, यै

## माघ १५ गते शनिवाः

- ११०) श्री भैरवनाथ चपाः दाफा भजन, खप
- १११) श्री रुद्रायणी नायभूवः दाफा, खना
- ११२) क्वसा दाफा खलः, भवत
- ११३) पांगा महाब्ब दाफा खलः, पांगा

## माघ २१ गते शुक्रवाः

- ११४) बाराही पीठ ख्यः दाफा बाराही, खप
- ११५) ताहाननि दाफा खलः, यै
- ११६) सक्व साय्मि दाफा खलः, सक्व
- ११७) Khokhana Lakhe Dance 12 Mins Extra

दाफा थाइपिं कलाकारया छैजःपिं तकं दाफा महोत्सव स्वक्रेत हयेगु ज्या तकं जूगु दु । कयौ दाफा खलःतपाखें दाफा महोत्सवय् ब्वति कायेगु निंति नेवाः वसः तयार यायेगु ज्या याःगु दु ।

करिव ६ सय ४ घण्टा नेपालमण्डल टेलिभिजनपाखें प्रत्येक प्रशारण जूगु थुगु दाफा महोत्सव नेवाः समाजया निंति जक मखु नेपाःया निंति हे छगू कथं न्हयथनेबहःगु ज्या जुया विउगु दु ।

## माघ २२ गते शनिवाः

- ११८) डम्बेश्वर दाफा भजन, खप
- ११९) छा्यबहाल हरिभजन मण्डल, यल
- १२०) लाछि दाफा खलः, वुंग

## माघ २८ गते शुक्रवाः

- १२१) बालाखु गणेश भजन गुथि, खप
- १२२) सिन्तां दाफा खलः, खना
- १२३) छ्वासलवि दाफा खलः, यै
- १२४) रक्षेश्वर महाविहार धाः बाजा खलः, यल
- १२५) नःबहि मंकाः खलः, यल

## माघ २९ गते शनिवाः

- १२६) किलाघः सांस्कृतिक पुचः, यै
- १२७) भिमसेन दाफा भजन खलः, यल
- १२८) सनाहर्ष दाफा खलः, थिसि
- १२९) ज्या दाफा खलः, खना

## फागुन ६ गते शुक्रवाः

- १३०) पाक्व पुखुचां मानन्धर सना खलः, यै
- १३१) गणेश दाफा भजन, खप
- १३२) नात्येश्वर भजन मण्डल, दोल्खा
- १३३) पिलाछै मंकाः गुथि, यल

## फागुन ७ गते शनिवाः

- १३४) ओन्दे दाफा खलः, यै
- १३५) हस्तिनापुर दाफा बासुरी खलः, किपुल्वा
- १३६) वुंग दाफा भजन खलः, वुंग
- १३७) मयुरवर्ण दाफा भजन खलः, यल

## फागुन १३ गते शुक्रवाः

- १३८) मुलाखु गणेश दाफा भजन, खप
- १३९) नात्येश्वर दाफा भजन खलः, रामेछाप
- १४०) किलाघः दाफा खलः, यै
- १४१) दाफा खलः च्यासः, यल

## फागुन १४ गते शनिवाः

- १४२) ल्वल नात्येश्वर दाफा खलः, यल
- १४३) पिन्छै टोल मंकाः खलः
- १४४) त्याग मंकाः खलः, यल
- १४५) सःको दाफा खलः, यल

## फागुन २० गते शुक्रवाः

- १४६) भोजपुर टक्सार भजन खलः, भोजपुर
- १४७) चम्पाकेश्वर दाफा खलः, चितलाङ्ग
- १४८) श्री लुचुभुल अजिमा दाफा खलः, यै
- १४९) जम्बाल धाः वाजं लखः, यल

## फागुन २१ गते शनिवाः

- १५०) सलिंछै भजन खलः, यल
- १५१) चाःवहाः मंकाः खलः, यल
- १५२) मच्छिन्द्रनाथ मृदंग भजन खलः, यल
- १५३) च्यासः क्वय्लाछि दाफा खलः, यल



## साहित्य उपन्यास - जन्ति न्त्यात

चमि- मदन गोपाल प्रधान “क्वाःघासा”

२

कथंहं.....

मां बौ जुइ दयाः मनय् आनन्द तायेकाः मनमाया व वया भातं थःपनिगु गच्छे कथं दुधें फुथें तयाः चिचि पापा थें यानाः तःम्ह म्थ्याय् निदं मदुवं दैवं यंकल । आः थौं कन्हय् व म्थ्याय् दुगुजुसा जखु ल्यासे जुइ धुकल । छ्वा, लछि, दछि जुजु एवरितं दै दै दयाः वंसेलि अतित न्हनां हे मवसां बुलुहुनं त्वःमनां वनिगु जुया च्वन, वर्तमानया भवलय् ।

म्थ्याय् मदयाः स्वर्देति हे मदुवं इमित प्वात्या प्वात्या धया स्वये हे त्वः वनापुसे च्वंम्ह काय् मचा छम्ह दत । व काय् मचायात बँय् हे मतयेथें यानां व्वलंकाः प्यदं जक फुइवं बौम्ह थ्व संसारयात त्वःता वन सदाँया लागि । आः थ्व संसारय् व मचायात धाइम्ह मां धाःसां बौ धाःसां मनमाया छम्ह जक दु । मनमायाया नं सुं दुसा वहे काय् मचा छम्ह जक । थः मचायात बांलाक व्वलंका आखः व्वंकाः समाजय् छम्ह तःजिम्ह मनू दयेकेगु मनमायाया भाःतया छगू तःधगु इच्छा । तर थःगु इच्छा खतं वं छुं हे याये मखंसां वया कलाः मनमायां थः काय्या भविष्य बांलाकेत याये फुगु कुतःमयाः धयागु छुं हे मदु । ताला चिकुला, वा वः फय् वः, तिमिला खिमिला, चा न्हि, सुथय् बन्हि, फु मफु, नये त्वने आदिया छुं हे च्यूताः मतःसे थःगु सम्पूर्ण जीवन थः काय्या लागि फ्यात । थः काय्यात तःधि व तःजि यायेत मनमायां मां जक जुयां मगानां बौ नं जुयाः वहे अनुरूप थःगु कर्तव्य यानावं च्वन । वयागु थःगु हे कुतःया हे लिच्वः खः श्री विदेशय् वनां व्वने दुगु ।

इलय् वेलय् छवयाः हइगु पौ व क्पिपाः जक स्वयाः मनमाया थः काय्यात बाया च्वंगु प्यदं धंमधं जुइन । थः धयाम्ह दयाः नं याकःमि थें जुयाः च्वंगु नं उलि हे दइन ।

थौं मनमाया सुथसिया खा हे महाःनिवलय् निसें लिमलाः । खजा न्हापा लिपा नं वया लिलाः धयागु गबलें मदु । न्त्यावलें अथे हे खः । तर

अयसां थौंया लिमलाः व न्हापाया लिमलाःलय् छुं भचा पाः । म्हिगः म्हीग वसि बँ पुइगु, लः कायेगु, पुजाभः तयेगु, घः पुजा यायेगु, जा थुइगु अले नयेनिइ यायेगुलि लिमलाःसा थौं उलि मयाक्क मेमेगु नं ज्यां याना लिमला । थौं न्हापा लिपा स्वयां हथाय् पथाय् खने दु । तलं कुने, कुने तलय् मदक्क हे जुया च्वंगु दु । घरी थुखेसा घरी उखे । गबलें थुखे कोथायागु खापा चायेक् सः ताये दुसा गबलें उखे कोथायागु । गबलें चोत कोथाय् खने दुसा उघिमय् दथु मातं कोथाय् खने दैगु । छेलिं वैगलय् वैगलं छेलिइ धुवां धू थहाँ वहाँ जुया च्वन ।

तालं त्वःगु निभाः थें मनमायाया ख्वाः चकं । आनन्दया खुसि बाः वयेकाः दथुमातनय् लौरिखे स्वःगु कोथाय् दुहाँ वन । छचाः खेर मिखा व्वयेकल । घौपलख न्त्यः थःम्हं हे न्हूगु तन्ना लायाः सुचुके पिचुके याना तःगु खाताय् फय्तुत, तुति खाता व्वय् यगाकाः । सुचुके पिचुकेया नामं छुं ल्यं मन्त धयाथें मनय् तायेकाः लुदं पहलं कोथाय् उखे थुखे, च्वय् व्वय् छकः हानं स्वत । न्त्यने अंगः दथुइ लाक्क खाया तःगु थः मिजंया क्पिपाय् मिखा व्वयेकल । मिखा हे तुक्क स्वयाच्वन । भचालंकाः उसिं नं दना क्पिपाया न्त्यने दं वन । क्पिपा स्व स्वं मिखां ख्वि हायेकल । न्हापायागु खँत लुमंकल । पर्सिया च्वथं ख्वि हुं हुं मनमायां छकः ताःहाकय्क भसुकाः तल । अले खाया तःगु क्पिपाः अंगलं लिक्काः भुवादारी रुमारं हानं छकः बाँलाक हुल । न्हाचः तिनि वहे यचुक्क हुयाःतःगु वया थःयात हे लुमदं जुइ । हुइ हाय् धुंकाः न्हापा खायाः तःथायान्तुं खात । हानं छकः क्पिपाय् स्वयाः थः मिजंयात खँ थ्वकल, “सिल्ला छिं ? थौं भी बाबु लिहाँ वैगु । अखनु छवयाः हःगु पतिइ थौं थ्यंकः वयेगु धकाः च्वया हःगु । लिबाःसा न्हिनयसिया स्वताः इलयति छँ थ्यानि, मखुसा वयां न्त्यः हे थ्यानि हँ । आः घौछिति ला भी श्री थन थ्व हे कोथाय् स्वये दै । आःला जिं श्रीयात गबलें हे तापलाय् छवये मखु, न्त्याक्व हे पास याना वैगु छाय्मजुइमा । प्यर प्यर धयाथें दइन जिपिं मां काय् बाया च्वनागु, सिल्ला छिं ? छितःला छु .....।” धाधां दुनुगलिनिसें थ्वःगु ख्वखना सलं यानां मनमायाया धापू हे क्वः मजित । ख्वि हुं हुं लिक्कसं च्वंगु मेचय् फय्तुत ।

कथंहं

हलिं नेवाः गुथि क्पू कचां क्पुली याःगु

“भिके-ल्ट्वने-न्हूधाः यायेनु”छ्यों तया चिनाखँ गोप्ठी ब्वंगु चिनाखँ छसिंकथं

पिकया वनेगु तातुना थ्व चिनाखँ न्त्यव्वयागु खः

## २५.देय् न्हूधाः यायेमाल

बुद्धिलाल ज्यापु

घःध्वाखा, क्पू

नेपाःमि

न छता हियापिं खः

न छगू वंशयापिं खः

न छगू भाय्यापिं खः

न छगू सभ्यतायापिं खः

उकिं

थःथःगु बिस्कं वँखँ (इतिहास) दुपिं

थीथी जातिया थीथी हे लाग्ना

थीथी म्हसीका बियाच्वपिं

धाथेंया स्वांक्यव खः उबलेया गणतान्त्रिक नेपाः

आः नं लुमनेवं गुलि न्त्याइपुसे च्वं ।

गनं खसान राज्य

गनं बाइसे चौबिसे राज्य

गनं मगरात राज्य

गनं तमुवान राज्य

गनं घले राज्य

गनं मिथिला राज्य

गनं कोचे, मेचे

गनं लिम्बु व खम्बु

थन मणीथें थीगु नेपालमण्डल ।

खँ सःपिं चंखापिं ब्राम्हणतय् पञ्जः

नां काये मत्यःम्हसिया तुतिथें

पृथ्वीनारायणया गोरखाया नामय्

देय् दुनेया गणतान्त्रिक राज्यत

गिद्धया पञ्जलय् लानावन ।

इमिगु शासनय् आदिवासी/जनजातित

ताहाःया न्त्यःने ब्यांचा जुयाच्वन

थःपिंजक मखु

थःपिनिगु सभ्यता, नुनाच्वन

जग्गा जमीन त्यतुत्यलाः हयाच्वन ।

भाषा हुया-हुयाः यनाच्वन

सरकारी कार्यलय स्वःसा इमिगु हे हालिम्वालि

रेडियो स्वःसां इमिगु हे हालिम्वालि

मिडियाय् स्वःसां इमिगु हे हालिम्वालि

थौं शोषकत

हिन्दुवादी कम्युनिष्टया नामय् दनाच्वन

राजावादीया नामय् दनाच्वन

कांग्रेसया नामय् दनाच्वन

धर्मया नामय् दनाच्वन

भी जुलं

पिरामिडथें विशाल आकार दुपिं

चीद्रं जुजुं वनाच्वन

सभ्यता त्यतुत्यलाः यनाच्वन

सीप म्हो जुजुं वनाच्वन

भाय् ल्हाइपिं तनाच्वन

इतिहास ल्हाकुल्हाकुं यनाच्वन

उकिं

हे नेवाः

हे आदिवासी/जनजाति धाःपिं

तःफय् जुयाः वयाव्यु

वाफय् जुयाः न्त्यानाव्यु

छगू हे खुसि जुयाः न्त्यानाव्यु

दक्व थरिया विषमता चुइकाः

देय् न्हूधाः यानाव्यु ।

तपाईको टोलमा भएका घटना कीर्तिपुरको समाचार बनाउने  
हो भने तपाई एक कल फोन गर्नुस् हामी तपाईको टोलको  
समाचार कीर्तिपुरको समाचार बनाईदिनेछौं

## कीर्तिपुर सन्देश साप्ताहिक



कीर्तिपुरको चित्रण

किपुलिं पिदनाच्वंगु कीर्तिपुर सन्देश वाःपौ व ज्वज्वलपाः वाःपौया ग्राहक जुइगु नितिं स्वापू तयादिसँ

कार्यालयः निखासी टोलः कीर्तिपुर नपा-३  
फोन नं.: ४३३३००७, ९८४१४०१०७७

ज्वजलपा वाःपतिइ छिगू चिनाखँ/बाखँ/हाइकू विज्ञापन  
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंकाः सः



ज्ञाकूः निखासी त्वाः क्पू नपा-३ फोन ल्याः ४३३३००७,  
९८०८६२६४२० ई-मेल : kirtipur\_sandesh@live.com

चिनाखँ



नाति महर्जन  
च:चपा, पांगा

दानथें मदु मेगु त:धंगु धर्म  
सिइका तय्मा भीसं मनु जुया  
सेवाथें मदु मेगु त:धंगु कर्म  
याय्मा वृद्ध मां बौया  
वनेमा: भीपिं सत्यया लँय्  
भगवान थ:गु नुगल्य तया  
वृद्ध मां बौयात परमात्मा भा:पिया  
पुजा याय्मा मने श्रद्धा तया  
मां बौया आत्मा ख्वय्के मज्यु  
मनु छक: थौ जन्म जुया  
मां बौ यात सेवा याना सुखें तय्मा  
कायमचाया कर्तव्य ख: धैगु मनय् तया  
असक्त वृद्ध मां बौ ख्वय्का तय्गु  
सिइके मा: महा पाप धका:  
वृद्धया मिखाय् च्वंगु ख्ववि महइकूसे  
जुइमत्यो भीपिं मुखं जुया  
वृद्ध मां बौया सेवा याय्गु धैगु हे  
भगवान सेवा याय्गु मनय् तया  
थ:गु जीवन धन्य याय् फय्कि  
न्हि छक: वृद्ध मां बौया आशिस कया  
वृद्ध मां बौयात न्वंवाय्फुम्ह च: भा:पिया  
सेवा याय्मा भक्तिभाव मनय्तया

## वृद्ध सेवा

थ: द्यालाना सां नका: त्वंका: तय्मा:  
न्हिथन पुजा आराधना यानागु भा:पिया  
ब्रम्हा, विष्णु भवान सकलें  
खंकेमा: वृद्धतय् ख्वालय् स्वया  
इमिगु ख्वालय् भगवान खंके फतधा:सा  
धरति हे भीत आनन्द जुई स्वर्गे स्वया  
वृद्ध मां बौया सेवा याय्गु धैगु हे  
त:धंगु धर्म ख: चारधाम चाहिले स्वया  
न्हि छक: वृद्ध मां बौया आशिस फय् दुसा  
थी फइमखु ग्रह दशा सुं वया  
ल्हंया च: धैम्ह मनुखें दय्का त:म्ह  
न्यायथाय् दु थ:त य:म्ह स्वया  
वृद्ध मां बौ गन न्याय थाय् दैमखु ।  
थ्व संसारय् गन भीत माल धया:  
न्त्यागु ज्या या:सां सुथां लाई  
कयात:सा आशिस मां बौया  
वृद्ध मां बौया आशिस धैगु  
त:धं भगवानया वरदान स्वया  
माले फय्केमा भीसं भगवान धैम्ह  
आत्माय् दुने च्वंम्ह मां बौया  
मां बौया नुगले च्वना न्हिलाच्वंम्ह भगवान  
खंकेमा भीगु नुग: मिखां स्वया  
लाईमखु भीत धर्म खालिं  
कल:ज्वना लिमला फमलाँ देकी जुया  
दैमखु भीत स्वर्गया सुख  
त्वहंया मूर्ति कपा हाक: जुया  
वृद्ध मां बौया सेवा याय्गु  
धर्म मध्य महान ख:  
गन गन वृद्ध मां बौया सेवा याना तल  
अन अनया धरति स्वर्ग समान ख: ॥

छित: स्थानीय नेता, उद्घोषक,  
बांला:म्ह वक्ता नापं बांला:म्ह  
एफ एम संचालक यायेगु  
जिमिगु अभियान

छिगु नितिं मदयेकं मगा:गु  
संचार साक्षरता  
न्वचू कला  
उद्घोषण  
एफ एम संचालन



पत्रकार  
श्रीकृष्ण महर्जन  
चव्यादीगु सफू

नास:

उकिया नितिं छिं सफू न्याना व्वनादिसँ ।  
छि थ: स्वयम हे सक्षम जुयादिसँ ।  
सफूया नितिं फोन ल्या: ४३३३००७,  
९८४९४०९०७७, ९८४९७५२५८३

## हार्दिक श्रद्धाञ्जली



जन्म :  
१९९२/१०/२३



स्व. आसमान महर्जन

निधन: २०७२/१२/०५



हाम्रा प्रात:स्मरणीय पुज्यनीय बुबा आसमान महर्जनको असामयीक निधन भएको यही २०७३ साल  
फागुण २४ गते मंगलवार वार्षिकीको पुण्यतिथिमा दिवंगत आत्माको चिरशान्तिको कामना गर्दै  
श्रद्धाञ्जली अर्पण गर्दछौं साथै यस दु:खद घडीमा हामीप्रति समवेदना व्यक्त गर्नुहुने संघ संस्था,  
नातेदार, इष्टमित्र तथा शुभेच्छुकहरुमा हार्दिक कृतज्ञता व्यक्त गर्दछौं ।

छोरा : ओम प्रकाश महर्जन  
बुहारी : अमिता महर्जन  
नातिहरु : अजर महर्जन, अमर महर्जन

छोरा : कृष्णमान महर्जन  
बुहारी : रुपा महर्जन  
नातिनीहरु : उर्वशी महर्जन, कृषा महर्जन  
नाति : प्रसन्न महर्जन